

壯
悔
堂
文
集

壯悔堂文集卷之八

賈開宗靜子

徐隣唐爾黃

同里

選

徐作肅恭士

宋

榮牧仲

閱

策

南省試策一

所貴於君德者能臨天下之謂也。虞書曰：臨下以簡，而後世仕數之主，乃欲矜其察察以窮之。過矣。夫天下之情偽蓋嘗不可以勝防，而人主恒任其獨智鉤距而探索其間，其偶得之也，則

必喜於自用其既失之也必且展轉而疑人乘

自用之術而積疑人之心天下豈復有可信者

病○根

哉舉天下至於無可信而乃欲寄其耳目託其

心腹則其勢不得不流於偏重而私昵得以用

之矣偏重者壅蔽之源也私昵者竊弄之漸也

無怪乎執事之所問凜乎有煬竈之懼而又不

敢盡其辭也竊意執事之所謂偏重者得非密

勿之大臣耶所謂私昵者得非左右宦寺之小

人耶果然則雖折檻叩墀而言之而皇帝有

所不信何也彼方有所挾以取重於人主而人主又嘗自恃其往日之英斷以爲彼有所不敢肆也愚請得破其所挾而明指人主之所恃可乎竊見今日之大臣所挾者強也介也而皇帝之因而重之者亦以其強也介也然而強者一○弱○二○和○一○介○重○窮○到○小○人○勝○廣○從○來○奏○疏○四而弱者一焉介者一而和者二焉○之○所○未○及○皇帝未之察也所謂強者強於盜柄強於飾罪強於拒納忠之言強於護其私局弱者則弱於守道格君而已介者介於接天下之賢人君子○曰○強○和者和

於羣小和於皇帝之左右而已凡若此所謂

強而介者唐之盧杞蓋皆有之不足異也頃有

此暗指劉忠端公

諍臣亦嘗痛哭而陳以爲今日有德宗之病誠

爲不識忌諱然而其任人則倡之矣夫大臣有

所挾以爲重則必陰窺皇帝之意旨而明與

爲市此必與寺宦相表裏而皇帝又未之察

也皇帝未之察而且有所恃以爲彼不敢肆

蓋自信卽有大慙如御極之初者吾有以剪除

之無難也夫天下之患必有所伏而起必有所

乘而入見以爲甚著則其微可杜也見以爲甚
大則其細可圖也苟忽之以爲微且細則其著
而大者立至矣 皇帝以爲廝養而役之使之
而彼且疑天疑神也 皇帝以爲吾將有法焉
誅罰其後而彼則已流毒而莫可窮也故 皇

帝手除大慙之後今曾幾何時而部堂之署有
貂璫矣邊塞之庭有貂璫矣財賦之地有貂璫
矣舉未聞當密勿之任者一造膝陳其不可也
○真○言○人○所○不○敢○言○
大臣以逢迎 皇帝而結納平內臣內臣以嘗

試皇帝而應援乎大臣皇帝雖察察於遠

而已遺之於近又豈有濟哉本欲寄耳目而適

得塞本欲託心腹而適得蠱恐其病積累而深

也聞之善治病者不必條具藥餌也誠能審其

中於四肢而已得十之二三矣誠能審其中於

血氣而已得十之五六矣誠能審其中於腠理

而已得十之八九矣皇帝一旦知受病之處

則知起病之方任天下之情僞日參而吾惟以

誠應之坦然大度固已收偏重之權塞私昵之

○大○高○經○濟○

路而羣天下莫之我欺矣。所謂君德者有大干此者耶。譬之診脉者標病環集舉不足顧惟以攻虛邪而固根本爲上斯國醫也哉。

是科爲己卯朝宗舉第三人放榜之前一夕而副考以告正考曰此生以如此策入黻吾輩且得罪本房。寥公國遴力爭曰果得罪本房願獨任之。正考遲回良久曰吾輩得罪不過降級罰俸而已。姑置此生正所以保全之也。朝宗遂落今讀其策豈讓劉蕡千載一轍。

論亦不盡謬

良可歎也

爾黃

行文逼蘇長公

靜子

南省試策二

用人之道上以實求之下以實應之循其常格
未嘗不可以爲治不然雖日言破格而格且從
之益固矣甚矣保舉一途 皇帝之意甚盛而
羣臣皆以虛文塞責也夫 皇帝之所謂保舉
者求濟世之才也今天下內訌外侮誠宜得個
儼非常之人任而使之非爲其能周規而折矩
前拱而後揖也若但如此而已見在三途之內
豈患無其人而又特設此一途耶保舉卽古之

薦辟也其法不始於今日卽不稱而坐其舉主亦不始於今日然不過防其徇人情之私開賄賂之門而已以愚意論之奇士固斷斷乎出賄賂之外真才亦未必不在人情之中昔人所謂非親非故何由習知之也此二者已當不同觀而況於避影匿形惟恐多此一舉爲身累者乎於是士之稍才穎者則懼其多事而不舉矣士之稍方幅者則懼其戾俗而不舉矣士之稍氣節者則懼其沽名而不舉矣此行而彼倣以庸

碌爲老成以軟熟爲諳練以闢草爲和平究之

人情固有賄賂非全無而倜儻非常之人則百

不得一也且得謂之能破格者乎漢武帝嘗曰

文勢跌宕宕

馬駢馳而致千里士負累而立功名魏武帝雖

非帝王之比然而知人善任使未之過也彼則

直謂士有行如陳平者吾用之矣斯二者真破

格者也今天下之時之勢豈減漢魏用人豈尚

可拘常格然而苟有舉二君之言以舉士未有

不驚駭失色者以文求之而以實拒之格又烏

在乎其破也。嗚乎舉朝之臣皆不以建功立業

○屢○屢○○○
○可○歎○

爲事而以畏罪持祿爲心而且借口曰吾必得

孝如魯參廉如伯夷而後進之也。然則屠販誠

辱行而版築乃賤夫耳。豈得一望見一皇帝之

快○前○

國門哉。夫處三代以下之世而必欲得三代以

上之人以濟之。愚竊見其惑也。勢必至其真者

不得而僞者踵至。乃愚之所謂庸碌也。軟熟也。

又一○名○映○前○

闢茸也。夫士苟得其才。穎者亦可矣。苟得其方

幅者亦可矣。苟得其氣節者亦可矣。今此三者

皆以爲不足而乃更得夫庸碌焉軟熟焉闖茸

焉豈因俗救時之道宜然耶抑此三者越於格

自○轉○如○美○尤

之外而彼三者寓於格之中也 皇帝曰破格

羣臣亦曰破格而實陰持一格共牢不可破於

是乎保舉一事以虛文告終矣且天下士名求

之甚高實待之甚卑無論高者鮮有有者不至

此爲沈嘉民論武陵

即使有而至矣頃嘗有一士焉以草茅疎賤不

相○而○發

爲祿誘不爲禍怵連章累牘抗論今日任兼將

相之大臣 皇帝曾一聞之否乎竊意 皇帝

壯悔堂文集

卷之八

七

聞之亦必爲羣論所惑以此士爲多事者也戾俗而沽名者也而况乎其見駁於納言押伴於舉主也嗚乎 皇帝而誠得此一士焉於以激天下之頑鈍勸天下之廉耻庶幾循序而進而三途之內不患無人焉競起而敬應之雖不言破格可也

論當日取人用人得失可謂曲盡文章反覆

照映更妙不容言

靜子

南省試策三

叔孫通曰太子者天下之本也本重則天下重
然而往往揺奪者冊立之不早豫教之不先也
我國家元良之建蓋已有年近者皇帝又爲
擇日出閣命儒臣授講讀蓋其所以爲社稷計
者追古三代之隆而非漢唐以下之所能及也
從來並后匹嫡少凌長愛間親皆足以揺奪國
本今幸無之獨是豫教則願有說焉書曰一人
元良萬邦以貞竊以爲元所以長仁良所以繼

正論

善蓋欲以仁善正天下而無事乎刑名法術也。漢景帝性本刻薄當其爲太子也又以晁錯爲之家令其後削七國卒亂天下論者究其禍本不必吳王稱兵之日也當錯爲家令時已早決其有此矣則所以遣教太子者非其人也宣帝雖漢英主然而殺趙蓋韓楊皆不以罪殘於用法高文之澤始衰顧嘗謂成帝曰漢家自有制度本參王霸奈何欲純任儒仁則所以身教太子者非其道也夫教太子者以書教之不若以

人教之以人教之不若以身教之也。太子異日
有天下之責者也。但得青宮讀書辨古今興亡
識人才邪正足以治平耳矣。豈欲其博物能文
類儒生耶。顧其生深宮之中長阿保之手觀而
感之漸而摩之朝夕而悠游之所謂以人教者
非獨妙選儒臣也。卽左右贊御之人尤所不可
忽也。儒臣之少不若宦寺之衆也。儒臣之莊不
若宦寺之狎也。儒臣之進止有常度不若宦寺
之臥起而無間也。儒臣以經史進而宦寺以嬉

遊進二者豈相敵乎昔者如懷恩覃吉輩皆賢而有識以故憲孝兩朝多得其助焉 皇帝誠

厲風旨於此中得一二人如恩與吉者俾侍太

子則一暴十寒之病庶幾免矣然而人主者太

子之所取則也人主好聲色則燕趙之粉黛異

文勢寬衍有法應

越之綺羅不問而進太子之前矣人主好狗馬

則韓盧之駿足蒲稍之龍種不問而充太子之

御矣推而至於人主好仁儒則太子之必純厚

可不問也人主好名法則太子之必刻薄可不

本意

問也。商高宗賢君也。而爲太子。日常在民間。先
朝。仁宗。宣宗聖主也。而二祖命之從征
伐。又嘗往來兩京道路。身出入田舍。訪問百姓
疾苦。今旣不能如此。脫畧而簡易。則所做法者
獨。皇帝一身耳。皇帝無聲色狗馬之嗜。固
足以端本而正源。然竊恐漢之景宣之病。不必
盡能免也。意者於元良之義。尚未深長思耶。抑
愚則更有進焉。往者太子出閣。則爲之廣置講
讀之官。使之前有師。後有傅。左有弼。右有輔。其

或儒臣不足則更選他曹而改授焉蓋其重也

今則幸有一儒臣可以當師傅此指黃公道周輔弼之任佐太

子爲堯舜者 皇帝顧以建言怒其仇直卒使

之折辱貶謫以去毋亦豫教太子結更體切而顧受更有其術歟

而何其不愛惜人才也

人教身教是訓儲本原之論 恭士

當日 思宗稍涉深刻故朝宗對策如此 後

仲

南省試策四

今天下之患殆有不可言者內之寇外之邊是也愚以爲寇之患非寇能爲患也患在任寇事者武臣養禍以自利文臣文飾以避害邊之患非邊能爲患也患在任邊事者因循而不知變此○數○語○計畏縮而不敢奮發當夫寇之起也繇於民貧民貧繇於賦重賦重繇於增兵增兵繇於備邊大○勢○勝○然○真○經○濟○手○迨夫邊事之壞也繇於兵弱兵弱繇於餉薄餉薄繇於粟不登粟不登繇於田荒而民多爲盜

然則二者之患將更相表裏而不知所終矣竊

以爲邊之患遲而大寇之患速而烈請先以勦

勿論

寇言之寇何起乎其先不過一旅之噪兵而饑

民附之耳當其在豫之河北也一二將帥剪滅

之有餘然而卒使之復燃者則養禍以自利也

未幾由晉入秦而其勢張而大矣於是乎一誤

於撫再誤於勦之垂成說者且以爲行金而脫

繼之開府秉鉞以爲方叔召虎者誠與前人不

同然亦聞其久於宦路善調人情而已今日省

此處有所指

臺議論甚深且苛幾束縛任事之臣無可一措其手而獨交口而譽其人者非誠以其用兵之善也乃愚所謂文飾者之效也 皇帝宵衣旰

食欲拯生靈於塗炭委任行間非文則武而約

畧不過如此亦何怪乎寇之日熾哉雖然以法

徇人則亂以人立法則治以官徇人則亂以人

擇官則治今所爲文武者固在也武臣縱寇其

責在武今則槩縱之不問而獨朝逮一撫夕更

一督其爲督與撫者亦曾聞有露章而劾一將

帥者乎。甚則積玩而輕武臣。曰進彼亦進。武臣曰止。彼亦止。以國家推轂賜劍之任。而日望影隨。塵等於將軍之幕客。而猶謂之將士。豫附皇帝。亦願知其事。聞其人否也。皇帝誠願知

其事。聞其人。一旦舉而措之。以武立法。以文擇

大略

官。罷周旋繩墨之料。而用拓落英雄之材。申罰

不逾時之格。而警驕不可御之將。則寇患可立

此是文章針線處

平也。夫內實則外之虛者不足。憂內重則外之

輕者不足。舉請更以籌邊進。從來籌邊者三策

日和曰守曰戰今則和有所不屑言戰則又倡

懷○事○在○此

不卽舉獨有一守而已然而邊事自英宗以

後固皆出於守矣亦嘗有三歲不破軍殺將乎

五歲不入關乎十歲不窺京乎守業已無效而

曾不知變計曾不敢奮發乃愚所謂因循者幸

說○得○透

目前而畏縮者踵事後也然則今日誠變計而

奮發焉勢必出於戰而愚且見陳言者之以邀

功爲多事也挑釁爲速禍也孤注爲首罪也又

誰爲任之者乎夫國勢處積強之日在於持重

休息爲安處積弱之日在於整齊振刷爲強不
名○言○
可一槩論也天下之因循而畏縮者殆二百年
士馬久消耗矣器械久敝壞矣大將吏亦以其
禍福之命羣聽之無可如何矣非使之卧薪豈
能知寒非使之嘗膽豈能知苦也○○譬如有人
病積痞者無不劑而救之之理即使驟畏尅伐
亦必漸次破除其壘塊盪滌其腸胃而後徐養
之以和平若乃徒畏藥餌而日進粱肉又豈能
下咽哉夫我之邊且延衰以千里計守東而西

濱○守○西○而○東○濱○五○里○置○堠○十○里○傳○烽○積○而○一○路○

一○將○卽○使○勝○兵○滿○千○而○彼○飄○忽○騰○捷○立○以○十○倍○

來○不○可○支○矣○夫○彼○嘗○以○聚○當○我○之○散○我○卒○不○思○

一○大○聚○以○掩○出○其○不○意○則○何○說○也○我○國○家○之○幅○

員○十○大○於○彼○我○國○家○之○人○力○十○強○於○彼○我○國○家○

之○財○貨○十○富○於○彼○誠○能○反○其○積○弱○而○以○戰○爲○守○

則○邊○患○不○難○備○也○嗚○乎○患○之○來○也○未○著○者○易○收○

而○已○見○者○難○防○漢○之○渤○海○朝○歌○寇○也○唐○之○黃○巢○

亦○寇○也○秦○之○長○城○周○之○太○原○邊○也○宋○之○澶○淵○浸○

光緒二十九年
假而至於江至於海亦邊也竊幸執事之間乃
之而更願其破忌諱而入告我后也

練達英豁李文饒一流

恭士

明策從來以填引古事爲工此獨語語切今

三百年第一手也

牧仲

南省試策五

今夫文章者有逮下之體有達上之體有疏理
之體有致用之體有述誌之體有載事之體有
象物之體有抒情之體教令詔誥之所發也箋
書章奏之所附也經術之表章也謨猷之條貫
也彰往切今之經緯也條近行遠之章施也風
詩之所見端也銘賦之所揚盛也總而言之俗
尚之所繇以醇澆也人心之所繇以邪正也是
固有體焉而非可以意爲之也然而變而通焉

各自以其體爲體而非規而摹焉之爲一體也
欲其皆醇而正必自取士始蓋士人之進身雖
僅以其一體者爲之而其後歷久而殊用教令
詔誥於是乎代言箋書章奏於是乎表職經術
將以述聖紹賢謨猷將以澤民致主彰往則必
取裁切今則必徵材條近欲其無蔽旨行遠欲
其無滯思宣朝野之好惡於是有風詩壯國家
之威儀於是有銘賦凡其所以需之如是其備
也夫需之以衆效而求之於一端無怪乎上作

而下不應也何也本可以操末末不可以操本

本論

源可以澄流流不可以澄源無以鼓舞天下之學而徒欲振起乎天下之文是逐之於其末也爭之於其流也古人知其然故取士之途不一而其所以教學之旨甚鄭重所以教學之方甚周詳也今天下取人於進士一途且三百年而不變其偏重也久矣所謂進士者非真其學異於人也亦能爲進士之文而已父師之所教子弟之所習不過曰簡鍊而揣摩之求爲進士此

外非所尚也。始以其人登科目，繼卽以其人知貢舉，久而化焉。公卿大夫士相視莫逆，如出一轍。夫舉天下而盡驅之於聞見寡乏才氣粹劣，則進士之文之罪也。雖然，徒歸其罪於受彼有所不服何也？彼誠無其學而不能非彼，嘗能之而故出於此文以圖一得也。且其所專家而爲進士體者，亦不啻其心粗而氣浮，旨陋而格卑，鹵莽而食報，臧裂乎先民矣。而况乎求當於諸體也？夫教令詔誥之文體，在典重今也，非鄙俚

則聲偶矣。是其病爲襲爲竇。箋書章奏之文體。
在條達今也。非夸諛則冗膚矣。是其病爲諛爲。
謾。經術之文以發明爲體者也。訓詁者病之穿。
鑿者。又病之謾。猷之文以裨益爲體者也。空疎。
者。病之沿襲者。又病之彰往之文以失其斷例。
而體病切今之文以失其考實。而體病條近行。
遠之文。今勦其體於胥吏病在乎學士之依樣。
風詩銘賦之文。今虛其體於館閣病在乎舍人。
之斷臆。凡若此者。病不可勝言。曾無害其爲進。

士無阻其爲大官也。夫天下之執其一卷而思

僥倖也久矣。今皆如其願而償之。

僥倖者。謂而遊獵。肩山。解。意。之。大。俗尚又焉得

不漓人心。又焉得不汚乎天下之道。一彼一此。

習之於此者。百年而不能效之於彼者。一日容

有之矣。若於此未嘗習之。而遽欲求其效於彼。

則必不得之數也。今執事所問者。舉不越進士

之文。是其所積重不過此一體耳。而乃欲諸體

之皆合。不亦異乎。韓昌黎曰。氣水也。言浮物也。

氣盛則物之小大畢浮。愚以爲學水也。文浮物。

也。學既充實，則其於諸體也，鬱勃焉而出變化焉而來矣。今天下未必無淹博之儒，貫通諸體亦未必不能爲進士所爲之文，但其所爲文不盡如其心，粗而氣浮，旨陋而格卑，而有司又不以先民之式求之，則亦黜而落耳。執事豈能誠而求之達于天子乎？執事而無進退之責，則已執事而有進退之責，愚終願其急於勸學，而其所爲文者將有待而自舉也。

光芒萬丈，曲折自如，文章家之宗匠也。

靜子

論文體一字不可動移文更疏暢

爾黃

豫省試策

三代而下未嘗無雄才大畧之主而治不進於古者非時有不同學不明也夫人主不下殿庭而周知小民向背之情左右忠佞之端海隅隱伏之變豈有他哉勤於讀書而又集諸幃幄儒臣於古今之理亂道術之原委日啓沃於廣廈細旃之上如斯而已矣是故行一政而天下歡欣舞蹈以頌之用一人而天下莫敢不服誠以

○緊○收○一○句○文○勢○方○不○漫○以○下○却○又○奔○旋○
本原一清則其勢自不可得而蒙欺也君心之

出入一彼一此不向之於詩書則向之於聲色
其勢必然也不親之於儒賢則親之於匪昵其
勢必然也不納之於精明則納之於蔽塞其勢
必然也彼其託於天下之上渺然一身耳十步

以下數行俱預伏當通漢書

之外不能聞也百步之外不能見也既已不聞
不見則不得不委重於人其所委而重者幸而
得其人則猶可彌縫其闕而苟安於一時苟不
幸而不得其人則將陰陽爲工譸張爲幻其患
有不可勝言者三代而下任數明察之主猶且

不免焉一。猶。墮。重。在。此。三。語。而況於性質不相習文義不相曉言語

不相接者乎聖人知其然故雖紆續以塞其耳

而聽於無聲不與天下爭區區之聞而自無不

聞也冕旒以蔽其目而視於無形不與天下爭

區區之見而自無不見也夫所謂聽於無聲又。接。一。

於無形者何也何。出。學。字。心。關。手。致。博通古今精研道術而好學不

倦也三代而下創業之君漢高帝唐太宗宋太

祖元世祖明太祖而已矣高帝繼秦滅楚以

太牢祀孔子縣叢議禮拜叔孫通爲太常命陸

賈述古興亡十二篇以進號曰新語唐太宗置
弘文之館躬釋奠之禮命孔穎達撰五經正義
宋太祖喜讀書雖在軍中手不釋卷會御殿令
洞開諸門曰此如我心少有邪曲人皆見之元
世祖定鼎於燕召竇默許衡以充講幄明太

祖命有司廣求古今書史收之秘府新殿成繪

古事蹟法戒於壁此數王者雖性分學力各有

偏勝然未有不從事於學者也不特此也他如

交便順

漢劉淵嘗師事上黨崔游習毛詩京氏易馬氏

春秋每日一物之未知君子耻之後趙石勒曰
不知書然常使人讀漢書勒臥聽之北魏拓跋
珪克燕卽置五經博士問李光曰何物可益人
神智光曰莫若書籍遂令郡縣崇焉是一時雄
霸偏安之主亦未嘗不知所重而非云馬上果
遂可以得天下也 今大統初集 皇帝生知

天縱百度維新然而有致治之本源惟一曰讀
書而讀書之道有三三股俱切要一曰開經筵考前朝經筵

之制常以月之二日御文華殿進講惟大寒暑

誓輟焉春講開於二月誓輟於五月秋講開於
八月誓輟於十月然猶有日講又午講於後閣
皇帝倣而行之日就月將二帝三王之大經大
法於是焉在所以格非心緝敬勝也一日親儒
臣人主親賢士大夫而遠近習便嬖則可以涵
養德性今一時從龍侍從皆起兵間而皇帝
又有畋獵狗馬之好豈特長沙之不合於絳灌
哉夫古之綴衣虎賁皆選吉士而後出入起居
不陷於非幾所以慎輔導廣忠益也一日讀漢

書古今書不能盡讀而治平有要畧若真德秀
之大學衍義丘濬之大學衍義補一主於理而
以立乎天下之綱所衍之義大而簡一主於事
而以舉乎天下之日所衍之義細而詳真書其
體丘書其用 皇帝萬幾之暇留心講覽所以

鑑得失辨興亡也然而猶竊有慮者今之 命

令詔誥滿字也更中肯綮譯而後頒之天下焉章疏奏議

漢字也譯而後上之 朝廷焉書之命龍曰朕

聖詭說殄行震驚朕師命汝作納言夙夜出納

朕命惟允

此處又與前委重於人之一段相屬天下人臣之爲龍者少而不爲龍者

多則出納之可虞也久矣

皇帝如不通漢書

卽經筵何以開儒臣何以進哉夫大舜生於東

文王生於西其實天下之至聖非東西可得而

限也豈

皇帝僅云真人起於朔漠而必滿焉

之是尚歟誠能濟滿以漢而力勉乎此三者而

猶不聞所不聞見所不見或小民向背之情左

右忠佞之端海隅隱伏之變猶有蒙而欺夫

皇帝者愚不信也若夫執事之所問天人精一

之旨詩賦詞章之流卽本末內外容有不同而
一爲儒者之學一爲文人之學皆非人立所急
其失也非迂則蕩愚未敢臆言以獻也

俱從治平上講學獨見其太勝處尤在切今

恭士

豫省試策二

聖人之治天下也未嘗不可以蕩佚簡易者爲之而必習之以委曲煩重之數豈故以此勞天下哉蓋有見於人情之自然而放而決之與閑而閉之均有所不能也自然之謂禮非以爲文也所以經世變也非以爲儀也所以定民志也蓋聖人作而萬物覲舉天下之情方且皇皇焉不釋其故而有日求於我之思我顧無以厭其求而徒示之以固陋之觀則朝廷所以自爲者

輕矣。夫勢無常強而在於維持者厚運無常盛而在於輔翼者隆循循然行之既久而其始非一端之所能窺者其卒亦非百年之所能犯聖人於開物成務之日已慮之矣三代而下其建國不以禮者莫如嬴秦而興也勃焉衰也忽焉蓋秦之爲道也是今而非古拂人而從己樂苟且而惡周詳其所爲質者非真質而不至於文者則真無文也禮者制文質之中者也時可以質而質時可以文而文故謂之中昔之得統於

前代者易其號不易其禮卽革其末世之禮而不革其由舊之禮皇皇乎上之所制下之所履也文中子曰冠禮廢而天下無人道矣婚禮廢而天下無家政矣喪禮廢而天下遺其親矣祭禮廢而天下忘其祖矣然則不必三加而未始不冠不必六禮而未始不婚哭泣之哀未始不可以爲喪薦享之誠未始不可以爲祭治天下者豈真恃此微文細節之屑屑歟哉而必有以命之數以紀之仁孝之文以將之鬼神之

以通之以爲不如○此則無以立天下之防而差
天下之欲也○推而極之天下大矣○五帝三王之
所自出也○非我之所能爲也○人主居五帝三王
之位○繼五帝三王之道○治五帝三王之民○而後
廢五帝三王之禮○是欲强天下以自爲便利也○
天下豈從之哉○今皇帝創制顯庸○運世以禮

一切綱紀條貫○固可以次第舉矣○抑有所謙讓
未遑者○耶○竊以爲皇帝果欲行之○則必輟乎
疑○畏之本○絕乎牽制之端○而後可也○何也○議禮

則必有典則之物則必有威儀之飾則必有文

章之辨舉之甚難而應之甚迂必且大變其昔

之所爲而錯然其弗敢苟也秩然其弗敢紊也

得無曰此設議人所以不及仰及祖宗所未及者我亦勿之敢及歟則

皇帝必有悄乎其疑怒乎其畏者而貴臣大家

之流又相率而憚於聞所不聞見所不見習所

不習以脫畧爲便計以模邈爲故俗牽而制之

父見宗國萬口如一也皇帝將誰與行此禮

哉夫天下皆以一區之禮爲禮而不以大同之

禮爲禮非有昭曠於天下之識不能辨也天下
皆以一時之禮爲禮而不以先王之禮爲禮非
有矯易於天下之力不能爭也聖人之制禮也
不惜犯天下之煩苦而以馴致於自然而不廢
故勞之乃所以逸之也拂之乃所以適之也創
之乃所以安之也朝會以下五段皆當世急務有禮以序之故不瀆天
下之分征伐有禮以陳之故不奸天下之器進
退有禮以裁之故不隳天下之節出入有禮以
度之故不奪天下之利禮訟有禮以一之故不

又據此一段意解國史

亂天下之法其分嚴則天下之耳目可不威而
肅也其器安則天下之心知可不柔而服也其
節明則天下之名教可不勸而興也其利溥則
天下之衣食可不給而裕也其法立則天下之
風俗可不約而齊也於是乎黼黻之章我不得
而簡賤之干戈之威我不得而逞極之綱常之
義我不得而湮滅之井廬之界我不得而兼并
之倫要之列我不得而增減之我之所以自爲
者不輕則天下雖欲凌而蕩焉而有不能踰我

之予天下者不薄則天下相與享其治焉安焉
而有不忍去是以天下自結繩畫象茹毛飲血
而後未有不日趨於文而可以固陋之治治者
也聖人知其然故有改道之名無變法之實有
庖始之勞無慮終之憂自非大有爲之至其能
不惑於衆而建大業者鮮矣三代而後惟趙武
靈王魏孝文帝近之而變而不失其矩矱孝文
爲烈焉文中子曰貴其時大其事太和之治何
可少乎哉夫孝文偏安之至也而況乎 皇帝

之大一統者乎故曰居五帝三王之位繼五帝
三王之道治五帝三王之民而欲廢五帝三王
之禮竊有以知 皇帝之斷斷乎不然也抑
皇帝而果欲議禮則必有數倍於叔孫通高堂
生之人出而佐之又何難於輟天下之疑畏而
絕天下之牽制也

立論決不可磨是將來典制中第一篇文章
解子

豫省試策三

與人主共百姓者守令也。守令輕則百姓愈輕。標○本○之○論○矣。三代之制封建天下而寄其民於諸侯民間之利病諸侯專之更一轉而卽達於天子無甚懸絕也。漢承郡國而立守令其時之賢者往往徵入爲三公僚屬佐吏得自選署而有所因革建置於民無復得而侵沮之者則漢之守令卽古之諸侯也。吏治之盛厥有由哉。夫託之重則簡之不得不重也。簡之重則任之不得不重也。

任之重則進之退之不得不重也故曰叙之甚
雜而授之甚易其勢輕矣責之太劇而視之太
卑其勢輕矣名之數舉而實之數淪其勢輕矣
選舉之道儒與吏而已儒焉而不盡出於儒吏
焉而不盡出於吏此所以敘之甚雜而授之甚
易也委用之道法與體而已法焉而不獲於其
法體焉而不獲於其體此所以責之太劇而視
之太卑也甄別之道貪與廉而已貪焉而不必
果其貪廉焉而不必果其廉此所以名之數舉

而實之數淪也。於是天下之守令習而玩焉。其
賢者相與飾虛名循故事坐待資俸而不肖者
且幸其一日之便潤身飽家而已。何怪乎民生
之日凋也。皇帝親政之初洞悉其弊嚴飭而
申行之致治之盛卽何論兩漢然而天下之流
品而不清天下之文墨者不破天下之僥倖不息天
下之功能不厲皆足以窳吏而害民愚生請盡
言而無諱焉。可乎親民之官非賞功酌勞之具
也有功有勞者以此賞之酌之卽非真有功真

有勞者亦奔競焉而借以賞之酌之而郡邑之
黜黜若若者不知其所從來矣涖政之司非屏
氣折腰之地也統轄所及者而願之指之卽驛
驛旁午之所過者而更以挫之辱之而郡邑之
唯諾者無所措其手矣黜幽之典剔民蠹也則
一日而三褫未爲過也乃有同墨其守而或摘
之綬或彈之冠者又安見乎民蠹之必黜也陟
明之典勸民庸也則一歲而三遷未爲過也乃
有同素其絲而或企登仙或嗟向隅者又安見

乎民庸之必陟也 皇帝曰吾有法在其令天

下攷之課之攷之課之誠是也然而令之上有

守焉又有貳於守者數人焉守之上有監司焉

又有列於監司之署者數人焉皆數經層折而

後達於按相沿如北若撫乃以聞於天子天子又不

卽裁其可否下之六卿六卿審決矣又復得請

而後下之其層折而至於守令者猶夫故也長

於守令者未必賢於守令卽賢於守令矣而滿

漢之見不除或有所顧望而不敢或有所牽制

而○不○能○於○是○上○與○下○終○日○求○塞○責○下○與○上○終○日○
求○當○意○外○若○條○貫○而○內○實○扞○格○初○似○精○嚴○而○後○
益○縱○廢○雖○欲○致○治○豈○可○得○哉○夫○人○主○之○馭○吏○也○

行文如萬斛泉湧

程○之○以○不○可○冒○之○衡○則○賢○才○之○塗○不○得○而○混○之○
也○假○之○以○不○可○撓○之○權○則○豪○傑○之○氣○不○得○而○困○
之○也○束○之○以○不○可○避○之○誅○則○中○人○將○以○其○畏○罪○
者○而○羣○奉○法○也○激○之○以○不○可○遺○之○賞○則○小○賢○將○
以○其○圖○功○者○而○爭○修○職○也○故○必○流○品○清○而○後○
墨○可○破○必○文○墨○破○而○後○僥○倖○可○息○必○僥○倖○息○而○

以之結束又分四段第一切中機要

四段反文成章條暢言

後功能可厲自然之勢也。以古之吏視今之吏，則今冗矣。以古之法視今之法，則今幸矣。以所甚冗，猶若有不足；以所甚幸，猶若有不平。此無他，績貂之屬太廣，而鋤莠之律或媮也。皇帝

誠心知其弊而力矯之，遴數大吏以遴天下之

羣小吏，又遴一大吏以遴天下之數大吏，舉而

一語大綱領

措焉。人無新舊，皆朝廷之吏；何親疎也？地無遠近，皆朝廷之吏；何輕重也？職無殿最，皆朝廷之吏；何恩怨也？勿以美錦而學之製，勿以善書而

掣之時塞鼠穴以杜三窟出笥衣以公敝袴則
源端於上流潔於下民不求安而自安矣太平
之治天下且拭目俟之

經濟文章古人兼之者殊少此能兼之

恭士

縱談當世之務慷慨洞達莫謂今天下無馬

周陸贄其人也

爾黃

豫省試策四

天下有其言近於從來之起○語○便○是○以○不○治○治○之○之○所習聞而聖人必不能易者則治河之策是也。太上順之其次利導之。最下者與之爭。順之不能於是乎始導導之而懼其溢而不循乎流也於是乎始分懼其衝而不安乎濶也於是乎始鑿分之鑿之皆以導之也。從未有與之爭者。今而障焉是塞之也。塞焉是與之爭也。自漢以來治河者屢矣。竟悍然爭焉而不顧其不受及至乎力竭功隳而不知

止則令當路條議其便宜而輕謀喜事之臣猶
且大聲疾呼願攘臂一試卒無有心知其不可
而肯爲昌言之者夫以神禹所不敢出者而後
人出焉聖人所極智窮思而以爲無奇者乃就
十數肉食之入而詢焉採焉○數○行○作○一○氣○讀○不○可○所○讀○所昧於莫挽之勢
又惑於不能割之利則亦徒見其勞民傷財而
已矣夫河發崑崙出自西域其由積石而入者
禹引之也禹當時謂諸水以入海爲歸而中原
之水皆散而無統頭而無力其氣勢無有能相

披相屬會同而入於海者故不得不借河爲用也。然而禹用河而不虞河之不爲用。反因以爲害者。則所謂識其源。辨其性。諳其形。而非恃吾區區之力。與之爭也。河之源自天上來。驚濤奔浪。一瀉千里。雍冀首當之。而不至大爲潰溢者。有山以束之也。其性喜紆折。好遷徙。委注於徐揚之窪下。而亦不至大爲潰溢者。有陂澤以蓄之。尾閭以洩之也。惟至於豫充之墟野。平而曠。土疏而實。既無險可以抗。又復滿而不能容。聖

人○以○爲○河○形○至○此○透○迤○而○蕩○漾○吾○惟○捐○數○百○里○
之○地○以○予○之○而○已○矣○只○是○大○義聖○人○非○委○其○地○而○不○惜○因○
而○棄○其○民○而○不○愛○也○蓋○審○量○其○勞○逸○大○小○焉○而○
委○之○棄○之○乃○所○以○全○之○也○河○者○天○下○之○神○物○也○
其○澎○湃○汪○洋○無○不○之○也○又○天○下○之○陰○氣○也○其○數○
衰○於○西○南○而○自○東○而○北○則○地○氣○之○陰○應○之○故○常○
出○沒○乎○豫○兗○之○間○此○漢○以○來○河○患○之○大○較○然○也○
戰○國○時○白○圭○鄭○國○之○徒○皆○制○其○堰○而○高○其○岸○者○
天○下○有○分○地○與○分○民○也○害○歸○於○彼○故○利○成○於○此○

勢不得不自爲防也。今天下一家，兩岸之地皆
朝廷之地也。兩岸之民皆朝廷之民也。南徙則
吾避而北焉，北徙則吾避而南焉。計其財力不
費，不敵治河十分之一，而固已無事矣。故河所
出於南，則出於北，利害一也。今必欲使不北而
南，或使不南而北，何利之有？雖然，當事者必有
結○構○警○快○即○遇○入○運○道○義○論○無○懈○可○擊○
以爲利，利運道也。則請卽以運道言之。國家定
鼎燕京，運道所經必由於河。然視堯都冀方，未
甚相遠也。攷堯時九州貢道，已有沿海逾陸之

文不憚推挽轉折以達之未聞首尾數千里而必恃一綫於河者也河之所以爲貢道者以通

又說明原

淮也周定王五年徙矜磔已失其故道矣漢武

帝時復通淮泗宋太宗時始專入淮則是數千年間其或通與否皆氣運之自然者爲之而非人力之所能爭也今不審其上流之怒決何故而遏其湍駛之衝是不知其源也不審其下流之停滯何所而隄於尋丈之內是不知其形也以龍宮蛟窟潦原浸天之物而欲集區區泉麻

草土之力以敵之是不知其性也不知其源不
知其形不知其性是昔者神禹之智不能以玄
圭枚黃熊而後人謂可以僥倖焉豈不惑哉未
覩運道之利先受治河之害且運道明明有沿
海逾陸之文可以揚千艘之輕帆疏雙輪之中
梗而必欲首尾數千里恃一綫於河則亦徒見
其勞民傷財而已矣通○應 皇帝軫念民艱正供之

額槩從儉薄而治河之竭民財者倍正供而五
之其以耗民之力則又父老子弟終歲於嗟風

泣兩剝肉補瘡之中而不得休息也以治河爲
名而取之民間者本折工餽追呼運轉之費種
種以什伯計迨數易其手而實用之河者曾不
得其半故今日且有以治河爲奇貨者矣除執
事所問荆隆口小長堤而外其不經水衡之計
筭河臣之耳目者尚未易一二指也其實皆久
湮之陂徑寸之穴本無可治而胥吏傭作之徒
輒蒙欺得請而科歛焉甚者則日築而夜潰之
利其迄無成功宋人有云治河猶治兵也治兵

不利於用兵若謂兵無可用則利權輕矣治河
者利於治河若謂河無可治則利孔塞矣故今
日之河朝廷卽欲行其無事而司空未必以爲
然也司空卽欲行其無事而總河之制府未必
全○不○介○得○失○之○念○以爲然也總河之制府卽欲行其無事而藩河
之監司未必以爲然也藩河之監司卽欲行其
無事而濱河之有司未必以爲然也濱河之有
司卽欲行其無事而胥吏傭作之徒借河以爲
溪經者終不肯以爲然也故今日之河下奏

之則上因循之愚生未嘗其所終也執事備察
勸莠而一昌言焉是中原之幸也

通篇以不治河爲主變化出沒極文事之
恭士

豫省試策五

人主之所操以礪世磨鈍者賞罰之法也賞不
逾時罰不旋踵衛嗣君曰賞立誅必雖失十左
氏無傷也賞不立誅不必雖得十左氏無益也
而君子譏之曰嗣君知數不知道聖人務以忠
厚寬大之道待天下而不屑屑小數以邀之若
○據○上○一○層○占○地○坊○
是乎其立法之有本也雖然不通乎時變而爲
之以聖人之法猶不足以爲治通乎時變而爲
之卽區區之小數聖人有所不廢也天下積玩

之所致固有激之以賞而人不知勸陳之以罰
而乃以爽然悟廢然返者矣人非大賢鮮不愛
財人非至愚鮮不惜死聖人能以所甚惜奪所
甚愛故天下之中人皆可自全於功名之途而
不至有覆餗償轅之傷則其必用嚴者乃其善
有別濟乎寬也蓋法設而不立積習不破也法立而
不行積威猶不伸也衆人守之不足一人壞之
有餘也事事而守之不若其忽然借一事以徇
之也天下惟積玩之後循之難爲功亦惟積玩

之後反振之易爲力出其不意而用其不測誅
賞不必遍於天下而服從者遠說在乎烹阿而
益封卽墨已鳴乎天下之亂必其法先亂天下
之治必其法先治故聖人不患人情之難御而
惟患吾法之設焉而不立立焉而不行也明之
季也其政似刻而實弛其吏似畏而實欺天下
相承數十年而實羣毆於法之中有人焉起而
救之可以知世變矣 皇帝執太阿以馭天下
亦豈能外賞罰哉然而 皇帝能獨操之不能

獨用之必有所寄寄之而不當雖欲獨操之而天下之窺之者衆也寄之而當雖與衆用之而其權未嘗不卒歸於一也何者法有所自舉而本末之衡異也 皇帝者天下之本也誠能秉

至公於上而貴屬戚疏無有借吾叢者然後推而大吏以至於小吏無有阿循者矣誠能運至

明於上而左右近習無有煬吾竈者然後推而

說、透、

大吏以至於小吏無有壅蔽者矣竊聞往者二三藩王皆得以用人殺人而諸從龍於舊邸者

或出爲流官或中司大柄譯一字焉而行刻一
木焉而旋止外廷不敢問也以 皇帝一人之
權而分持之所謂法者特有其名耳於是天下
之奸宄有所沿以自升而天下之貪猾復有所
恃而不敗民殘而俗弊此雖日誅十數人未必
當也不正其本而躬行督責天下豈信之哉夫
法設而不立不如其無設也天下猶知有法也
法立而不行不如其無立也天下猶知法之必
不可犯也迨一出而屢反一反而不平而天下

端○到○本○原○上○

始陽以奉法者塞責陰以詭法者售姦矣明法
之不振也其弊有二曰情面曰賄賂今天下則
并於一途究之情面可破而賄賂不可破則是
羣天下以金錢爲守官之符續命之膏而朝廷
不復有功令也明臣馮琦之言曰富府無二體
貴賤無二法則天下治愚竊以爲今用滿漢無
二體貧富無二法而天下治今用亦非盡無法
之過也所以寄法者未當也寄之當故大臣法
大匠法故小臣廉然機舉動而必其不爽也賞

罰可必其不渝也甲可而乙否焉則核之核之
而果否焉則其罪在甲矣若此者無赦乙否而
甲可焉則核之核之而果可焉則其罪在乙矣
若此者無赦不逾時而列焉不旋踵而判焉絕
游移之端杜營底之路振綱挈領而法已伸矣
嗚乎天下之貪欲也極矣出語英豁如見李惟制其命者可以立
反文○鏡○張○太○伯○當○年之制其尤大之命者可以預止之結○出○立○法○深○心○故事有近
於鍊急不近人情之所爲而適以符吾道德之
用者不可不察也

莊悔堂文集

卷之八

四

從救時立論最爲警切却不肯雜入刑名一

字
靜子